



ნაგოს ვაშინგტონის სამიგის მიღმა: შედეგები საქართველოსთვის

2008 წლის ბუქარესტის სამიგის შემდეგ, საქართველოს ნაგოში გაწვევების მიმართ ალიანსი და მისი წევრი სახელმწიფოები უცვლელ მიდგომას ინარჩუნებდნენ: „საქართველო გახდება ნაგოს წევრი და წევრობის სამოქმედო გეგმა იქნება ამ პროცესის განუყოფელი ნაწილი“. მას შემდეგ, საქართველო განიხილებოდა ერთ-ერთ მოწინავე ასპირანტ ქვეყნად, რომელიც სწრაფად უახლოვდებოდა ნაგოს სტანდარტებს. დაიწყო თანამშრომლობის არაერთი ფორმატი ნაგოს კრიტერიუმებთან დაახლოების გზაზე საქართველოსთვის ძლიერი და მტკიცე ევრო-ატლანტიკური მხარდაჭერის უზრუნველსაყოფად თავდაცვისა და უსაფრთხოების, ისევე როგორც დემოკრატიისა და ლიბერალური ღირებულებების მიმართულებით.

2024 წლის ვაშინგტონის სამიგი საქართველოსთვის ისტორიული უკუსვლის ნიშნულია: პირველად 2008 წლის ბუქარესტის სამიგის შემდეგ, ნაგოს ვაშინგტონის სამიგის დეკლარაციაში, რომელიც წევრი სახელმწიფოების ლიდერებმა 2024 წლის 11 ივლისს მიიღეს, აღარ არის გრადიციული ჩანაწერი, რომ საქართველო ალიანსის წევრი გახდება. ექსპერტების თქმით, ნაგოს დეკლარაციიდან ამ ფორმულირების გაქრობა საგანგაშო დინამიკაა. ამის საპირისპიროდ, საგარეო საქმეთა მინისტრი ილია ღარსიაშვილი, რომელიც ქვეყანას ვაშინგტონის სამიგზე წარმოადგენდა, ირწმუნება, რომ დეკლარაციის ზომა არ იძლეოდა შესაძლებლობას დოკუმენტის ტექსტში საქართველოს პოტენციურ გაწვევებაზე წინადადება მოხვედრილიყო. მისი თქმით, საქართველოს მთავრობა აგრძელებს „პარტნიორობით მუშაობას კონკრეტული, ხელშესახები შედეგების მისაღწევად“ ევრო-ატლანტიკური ინტეგრაციის პროცესში.

საქართველოს პოლიტიკის ინსტიტუტის თხოვნით, სხვადასხვა ქვეყნის რამდენიმე ექსპერტმა შემდეგ კითხვებზე გვიპასუხა:

- როგორია 2024 წლის ნაგოს ვაშინგტონის სამიგის მთავარი შედეგები საქართველოსთვის და ქვეყნის ევრო-ატლანტიკური ინტეგრაციისთვის?
- როგორ შეუძლია საქართველოს თავიდან აიცილოს ნაგოსთან ორმხრივი ურთიერთობების გაუარესება და როგორ შეიძლება ევრო-ატლანტიკური ინტეგრაციის რელსებზე დაბრუნება?



ლუკ კოფი

*უფროსი მკვლევარი, ჰადსონის ინსტიტუტი,
ვაშინგტონი*

ბოლო წლებში, ქართული ოცნების მთავრობა ჩამოშორდა ევროკავშირთან დაახლოების პროცესს, ძირითადად, პოლიტიკური მიმართულებით და სანაცვლოდ რუსეთის მიმართ კეთილგანწყობილი პოზიცია არჩია: ამის საუკეთესო მაგალითი უკრაინაა. ამასთან, გასულ თვეში ეგრეთ წოდებული „რუსული კანონის“ მიღებამ ბრიუსელში ბევრი შეაშოთა საქართველოს მთავრობის ევრო-აგლანტიკური ინტეგრაციის პროცესისადმი ერთგულებასთან დაკავშირებით. საქართველოს მთავრობა არაერთხელ გააფრთხილეს, რომ კანონის მიღება ევროკავშირსა და ნატოში გაწევრების პერსპექტივაზე იქონიებდა გავლენას. მთავრობამ ამ გაფრთხილებებს ყურადღება არ მიაქცია.

ნატოს სამიგის გრაფიკული შედეგი ის იყო, რომ პირველად 2008 წლის შემდეგ საქართველოს ევრო-აგლანტიკური მისწრაფებები დეკლარაციის საბოლოო ტექსტში ვერ მოხვდა. ის, რომ დეკლარაციაში არ ყოფილა ნახსენები საქართველოს ნატოში გაწევრება, პოლიტიკის მნიშვნელოვან ცვლილებაზე მიუთითებს და წარმოადგენს იმის უცყურ მტკიცებულებას, რომ საქართველოს მთავრობამ ქვეყნის ევრო-აგლანტიკური გზიდან გადაუხვია. მანამ, სანამ არ მოხდება მთავრობის ან პოლიტიკის ცვლილება, საქართველოს ნატოსა და ევროკავშირში გაწევრიანების პერსპექტივები არადადამიმედებელია. ოქტომბრის თავისუფალი და სამართლიანი არჩევნები საუკეთესო შესაძლებლობაა ქვეყნისთვის, დაუბრუნდეს ევრო-აგლანტიკურ გზას.



ლაურა ლინდერმანი

*უფროსი მკვლევარი, აგლანტიკური საბჭო,
ევრაზიის ცენტრი*

2008 წლის ბუქარესტის სამიგის დეკლარაციის შემდეგ პირველად, ივლისის ვაშინგტონის სამიგის დეკლარაციაში არ იყო ნახსენები საქართველოს ნატოში გაწევრების გზა, რაც ალიანსთან ქვეყნის ურთიერთობების საგანგაშო ცვლილებაზე მიანიშნებს. ეს საქართველოს შეცვლილი პოლიტიკური ორიენტაციის შედეგია, რაც წინააღმდეგობრივი „უცხოური აგენტის“ შესახებ კანონის მიღებაში გამოიხატა, რომელიც დემოკრატისა და პრესის თავისუფლებას ზღუდავს და საბოლოოდ რუსეთის ინტერესებს ემსახურება.

პოლიტიკის ცვლილებასა და ანგი-დემოკრატიულ გრაექტორიას მწვავე კრიტიკა მოჰყვა დასავლელი პარტნიორებისგან, მათ შორის აშშ-სა და ევროკავშირისგან. აშშ-ს მთავრობამ საქართველოსთან ორმხრივი ურთიერთობების ყოვლისმომცველი გადახედვა დაიწყო, საქართველოს ოფიციალურ პირებს სამოგზაურო შეზღუდვები დაუწესა და უსასრულოდ გადადო სამხედრო სწავლება ღირსეული პარტნიორი. ამასთან, ევროკავშირმა გააყინა საქართველოს ევროკავშირში გაწევრების პროცესი და ფინანსური დახმარება საქართველოს ანგი-დემოკრატიულ უკუსვლასთან დაკავშირებული შეშფოთების გამო.

საერთაშორისო თანამეგობრობის მესიჯი ნათელია: საქართველოს მთავრობის მოქმედებებს შედეგები ექნება. ნაგოს დეკლარაციიდან გაქრობა ქვეყნის ევრო-ატლანტიკური სწრაფვის პროცესში მნიშვნელოვანი შეფერხებაა, რაც ქვეყნის ახლანდელი საგარეო პოლიტიკის მიმართულებასთან დაკავშირებულ მაღალ რისკებს უსვამს ხაზს.



რობერტ ჰამილგონი

*კვლევითი მიმართულების ხელმძღვანელი,
საგარეო პოლიტიკის კვლევის ინსტიტუტის
ევრაზიის პროგრამა, ფილადელფია*

პირველად ორი ათწლეულის განმავლობაში, საქართველო არაფერს წარმოადგენდა ნაგოს სამიგზე. ნაგომ არამხოლოდ მაღალი რანგის დელეგაციისთვის არ გაგზავნა მოსაწვევი, არამედ სამიგის კომუნიკეში იგნორირებულია საქართველო, გარდა იმ ნაწილისა, სადაც რუსეთს წევრები გრადიციული ლექსიკით მოუწოდებენ, გაიყვანოს ჯარები საქართველოს ტერიტორიიდან. რაც უფრო მნიშვნელოვანია, პირველად 2008 წლის შემდეგ, როდესაც ალიანსმა პირობა დადო საქართველოს ნაგოში გაწევრიანების შესახებ, წელს ეს პირობა აღარ განმეორებულა.

საქართველოს ნაგოში გაწევრების პროცესი მკვდარია, და ეს ასეც უნდა იყოს. თბილისის ანგი-დასავლური და ანგი-უკრაინული რიგორიკა და მოქმედებები, მათ შორის, ყოფილი პრემიერ მინისტრის განცხადება, რომ ნაგოს გაფართოებამ რუსეთის უკრაინაში შეჭრა გამოიწვია, ალიანსისთვის გაწევრიანების საკითხზე პროგრესს შეუძლებელს ხდის. როგორც ჩანს, თბილისის მიზანი რუსულ ორბიტაზე დაბრუნებაა, რაც ქართველი ხალხის სურვილებს ეწინააღმდეგება. პოლიტიკურ ლიდერებს ერევანში, რამდენიმე საათის მოშორებით, შესაძლოა ამ არჩევანის მართებულობაზე გარკვეული მოსაზრებები გააჩნდეთ.



გიორგი მურჩაიძე

**აღმასრულებელი დირექტორი, საქართველოს
აგლანტიკური საბჭო**

2024 წლის ნაგოს ვაშინგტონის სამიგმა ცხადად აჩვენა ნაგოს ორი ასპირანტი ქვეყნის - საქართველოსა და უკრაინის განცალკევების მყარი ტენდენცია. მაშინ, როდესაც უკრაინის გაწვევრიანების სწრაფვა ალიანსის მხრიდან ძლიერი მხარდაჭერით სარგებლობს, ვაშინგტონის სამიგის დეკლარაციაში უკრაინის ნაგოში გაწვევრების პროცესის შეუქცევადობაზე საზგასმით, არანაირი მხარდაჭერა არაა გამოხატული საქართველოს ნაგოში გაწვევრიანების მიმართ და არ არის ნახსენები ნაგოს ბუქარესტის სამიგის გადაწყვეტილება. ეს გასაკვირი არცაა, რადგან ბოლო თვეების განმავლობაში, განსაკუთრებით კი ეგრეთ წოდებული „აგენტების კანონის“ მიღების შემდეგ, როგორც ნაგო, ისე ევროკავშირი მმართველ პარტიას საქართველოში დაჩქარებული დემოკრატიული უკუსვლის გამო აკრიტიკებენ, რაც ეწინააღმდეგება ქვეყნის ევრო-აგლანტიკურ ინტეგრაციას.

ნაგო პოლიტიკური-სამხედრო ალიანსია, რომელიც ეფუძნება კოლექტიური თავდაცვისა და ერთიანი ღირებულებების პრინციპებს, რაც იმას ნიშნავს, რომ სამხედრო სტანდარტებთან თავსებადობის გარდა, გაწვევრიანებისთვის ასპირანტმა ქვეყანამ დემოკრატიული კრიტერიუმებიც უნდა დააკმაყოფილოს.

გადაწყვეტი ნაბიჯები, რომლებიც აუცილებელია ევრო-აგლანტიკური ინტეგრაციის რელსებზე დასაბრუნებლად მოიცავს: 2024 წლის ოქტომბერში თავისუფალი და სამართლიანი საპარლამენტო არჩევნების ჩატარებას, გადაწყვეტი ნაბიჯების მიღებას მედიის თავისუფლებისა და კანონის უზენაესობის უზრუნველსაყოფად, ეფექტურ დეოლიგარქიზაციას, სასამართლო სისტემის რეფორმას მისი დამოუკიდებლობის უზრუნველსაყოფად, და ე.წ. „აგენტების კანონის“ გაუქმებას.



British Embassy
Tbilisi



საქართველოს პოლიტიკის ინსტიტუტი
GEORGIAN INSTITUTE OF POLITICS

საქართველოს პოლიტიკის ინსტიტუტი (GIP) არის არაკომერციული, არაპარტიული, კვლევითი და ანალიტიკური ორგანიზაცია. საქართველოს პოლიტიკის ინსტიტუტი ცდილობს საქართველოში დემოკრატიული ინსტიტუტების ორგანიზაციული საფუძვლების გაძლიერებას და ეფექტური მმართველობის პრინციპების განვითარებას პოლიტიკური კვლევისა და ადვოკაციების გზით.

წინამდებარე პუბლიკაცია მომზადებულია ნატოს სახალხო დიპლომატიის განყოფილებისა და თბილისში დიდი ბრიტანეთის საელჩოს თანადაფინანსებით. მოცემული პუბლიკაციის შინაარსი წარმოადგენს მხოლოდ ავტორების პასუხისმგებლობას და არავითარ შემთხვევაში არ უნდა იქნას იმგვარად გაგებული, რომ ასახავს საქართველოს პოლიტიკის ინსტიტუტისა და დონორთა შეხედულებებს.

დოკუმენტის ციტირების წესი:

„ნატოს ვაშინგტონის სამიგის მიღმა: შედეგები საქართველოსთვის,“ ექსპერტთა კომენტარი #28, საქართველოს პოლიტიკის ინსტიტუტი, ივლისი 2024.

© საქართველოს პოლიტიკის ინსტიტუტი, 2024

13 ალექსანდრე ჟუშკინის ქუჩა, 0107 თბილისი, საქართველო

Tel: +995 599 99 02 12

ელ-ფოსტა: info@gip.ge

www.gip.ge